



Concello de Vigo

D^a. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión **extraordinaria e urxente do 22 de outubro de 2018**, adoptou o seguinte acordo:

3.- CONCESIÓN SUBVENCIÓN DIRECTA A WFP/PMA - PROXECTO: “CAMPAÑA DE SENSIBILIZACIÓN NACIONAL SOBRE BÓS HÁBITOS ALIMENTARIOS CUN ENFOQUE NA POBIACIÓN NOVA DE EL ALTO E LA PAZ (BOLIVIA).EXPTE. 177133/301.

Visto o informe de fiscalización de data 22/10/18, dáse conta do informe-proposta de data 19/10/18, asinado polo xefe da Área de Benestar Social, o asesor xurídico adxunto a Benestar Social, a concelleira de Política Social e o concelleiro de Orzamentos e Facenda, que di o seguinte:

I. ANTECEDENTES

I.1. En datas 26.06.2018 e 05.07.2018 remitiuse pola responsable de “Dirección e apoio institucional” da Alcaldía á Xefatura de Área de Benestar social documentación do «World Food Programme» - WFP («Programa Mundial de Alimentos» - PMA) para o desenvolvemento en 2018 de dous programas de axuda humanitaria, en Palestina e Bolivia, para os que se solicita a colaboración económica do Concello de Vigo.

I.2. En datas 26.09.2018 e 27.09.2018 (Códigos solicitudes W302987-8425 e W303229-8308 ; Docums. núms. 180156283 e 180157392/180157393) o WFP/PMA presentou no Rexistro electrónico do Concello de Vigo unha solicitude de subvención para o desenvolvemento do proxecto humanitario: “CAMPAÑA DE SENSIBILIZACIÓN NACIONAL SOBRE BÓS HÁBITOS ALIMENTARIOS CUN ENFOQUE NA POBOACIÓN NOVA DE EL ALTO E LA PAZ (BOLIVIA)”, co que se pretende sensibilizar á poboación boliviana destas localidades (especialmente á mocidade), a través dos medios de comunicación de masa do Programa PICA, sobre a importancia e os beneficios dunha alimentación nutritiva e saudable.

I.3. Achegouse tamén coa solicitude a documentación administrativa necesaria para a concesión da subvención: datos identificativos da entidade, Memoria xustificativa, certificación administrativa de cumprimento das obrigas tributarias co Concello de Vigo e documentación oficial acreditativa (certificados/declaracións responsables) da exención de cargas tributarias e coa Seguridade Social, Estatutos e Regulamentos polos que se rexe esta organización internacional, acreditación da representación da súa representante en España, NIF (N9581063F), certificación bancaria, etc.

I.4. Mediante Resolución do 28.09.2018, a Concelleira delegada da Área de Política Social ordenou a incoación de expediente administrativo para a tramitación e resolución de subvención a favor do WFP/PMA para a execución dese proxecto.

II. NORMATIVA RELACIONADA

- Declaración Universal de Dereitos humanos, 10 de decembro de 1948.



Copia do documento - Concello de Vigo	Data impresión: 03/05/2024 23:21	Páxina 1 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Pacto Internacional de Dereitos Cívís e Políticos, 19 de decembro de 1966.
- PIDESC (Pacto Internacional de Dereitos Económicos, Sociais e Culturais, 19 de decembro de 1966).
- Convención sobre privilexios e inmunidades das Nacións Unidas, 1946.
- Convención sobre prerrogativas e inmunidades dos Organismos especializados, 1947.
- Resolución 1714 (XVI) da Asemblea Xeral das Nacións Unidas, do 19 de decembro de 1961 («Programa Mundial de Alimentos»).
- Resolución 2095 (XX) da Asemblea Xeral das Nacións Unidas, do 20 de decembro de 1965 (Continuación do PMA).
- Resolución 1/61 da Conferencia da FAO, do 24 de novembro de 1961 (“Utilización de excedentes alimentarios – PMA”).
- Acordo entre o Reino de España e o PMA para o establecemento de Oficinas do PMA en España (Nova York, 10 de xullo de 2012).
- Acordo administrativo entre o PMA e o Reino de España, relativo ó uso polo PMA de oficinas e instalacións ubicadas nas Palmas de Gran Canaria (Madrid, 10 de abril de 2014).
- CE/1978 (Constitución española, 29 decembro 1978).
- Carta Europea de Autonomía local, Estrasburgo 15.10.1986 (BOE nº 47, 24.02.1989).
- EAG (Estatuto de Autonomía de Galicia; LO.1/1981, do 6 de abril).
- LO.2/2012, do 27 de abril, de Estabilidade orzamentaria e Sostibilidade financeira.
- L.23/1998, do 7 de xullo, do Estado, de Cooperación internacional para o desenvolvemento.
- L.2/2014, do 25 de marzo, da Acción e do Servizo exterior do Estado.
- L.3/2003, do 19 de xuño, de Galicia, de Cooperación para o desenvolvemento.
- D.29/2017, do 9 de marzo, de cooperación para o desenvolvemento.
- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.15/2014, do 16 de setembro, de racionalización do Sector Público e outras medidas de reforma administrativa.
- LALGA (L.5/1997, do 22 de xullo, de Administración local de Galicia).
- TRRL (RDLEX. 781/1986, do 18 de abril, Texto refundido das disposicións legais vixentes en materia de Réxime local).
- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).
- LRXCA (L.29/1998, do 13 de xullo, reguladora da Xurisdicción contencioso-administrativa).
- L.19/2013, do 9 de decembro, de transparencia, acceso á información pública e bo goberno.
- L.13/2008, do 3 de decembro, Lei de servizos sociais de Galicia.
- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- RD.749/2010, do 16 de xuño, polo que se regulan as subvencións e axudas no ámbito da cooperación internacional que se concedan pola Admón. do Estado.
- TRLRFL (RDLEX. 2/2004, do 5 de marzo, Texto refundido da Lei reguladora das Facendas locais).



Copia do documento - Concello de Vigo	Data impresión: 03/05/2024 23:21	Páxina 2 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- Orde EAH/3565/2008, do 3 de decembro, modificada pola Orde HAP 419/2014, do 14 de marzo, pola que se aproba a estrutura dos orzamentos das Entidades locais.
- Orde do «Ministerio de Economía y Hacienda» EHA/875/2007, do 29 de marzo, pola que se determina o contido e especificacións técnicas da información a subministrar á Base de Datos Nacional de Subvencións regulada no RD.887/2006.
- Resolucións da IGAE do 04.12.2015 (proceso de migración á nova BDNS), 07.12.2015 (registro e acreditación de órganos e usuarios da nova BDNS), 09.12.2015 (contido e periodicidade da información a subministrar) e 10.12.2015 (proceso de registro e publicación de convocatorias de subvencións e axudas no Sistema Nacional de Publicidade de Subvencións); BOE nº 299, do 15.12.2015, ditadas ó abeiro do Art. 20.10 da LXS.
- Bases de execución do Orzamento xeral – Concello de Vigo.
- Instrucción 1/2014 da Intervención xeral municipal sobre aplicación da L.5/2014.
- Nota informativa do 16.03.2016 da Intervención xeral municipal sobre a BDNS.

III. INFORME

III.1. O «Programa Mundial de Alimentos» («World Food Programme») é a Axencia humanitaria das Nacións Unidas (NNUU) na loita contra a fame no mundo e a prol da seguridade alimentaria. Trátase dun programa autónomo subsidiario conxunto das NNUU e a FAO establecido pola Resolución 1714 da Asemblea Xeral das NNUU do 19 de decembro de 1961 e pola Resolución 1/61 da Conferencia da FAO do 24 de novembro de 1961.

III.2. O Reino de España subscribiu no ano 2012 un acordo básico co PMA/WFP para o establecemento de oficinas da Axencia en España, contando na actualidade cunha Oficina en Madrid. Neste acordo recoñécese tamén a personalidade xurídica e a capacidade xurídica de PMA/WFP para contratar, adquirir bens mobles e inmobles e dispoñer deles e para ser parte en procedementos xudiciais.

Posteriormente, en abril de 2014, as partes asinaron un acordo administrativo para o uso polo PMA/WFP das oficinas e instalacións situadas en Las Palmas de Gran Canaria.

III.3. En setembro de 2015 as NNUU aprobaron a Axenda 2030 para o desenvolvemento sostible, resultado dun amplo proceso de negociación e consulta aberto e participativo no que se implicaron representantes oficiais dos 193 Estados membros, organizacións da sociedade civil, universidades, o sector privado e a cidadanía mundial. Esta renovada axenda global para o desenvolvemento substitúe á plasmada na Declaración do Milenio do ano 2000.

Un dos obxectivos do desenvolvemento sostible, no marco da Axenda 2030, asumida tanto polo «V Plan Director da Cooperación Española 2018 – 2021» como polo «IV Plan Director da Cooperación Galega 2018 – 2021» é o de poñer fin á fame (“FAME 0”), acadar a seguridade alimentaria e a mellora da nutrición e promover a agricultura sostible. Preténdese poñer fin á pobreza e á fame en todas as súas formas e dimensións, fomentar a resiliencia e velar porque todos os seres humanos poidan realizar o seu potencial con dignidade e igualdade nun medio ambiente saudable.

III.4. De acordo coa documentación presentada por PMA/WFP, esta organización conta cunha experiencia exitosa nesta rexión en materia de educación e sensibilización sobre alimentación saudable a través de programas televisivos e redes sociais.



Copia do documento - Concello de Vigo	Data impresión: 03/05/2024 23:21	Páxina 3 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Xustifícase a urxencia deste proxecto na crecente malnutrición da poboación urbana e nova boliviana, especialmente das cidades de El Alto e La Paz. Así, por exemplo, en El Alto o 87,6% dos/as nenos/as menores de cinco anos padecen anemia. Ademais, Bolivia rexistra o índice máis alto de toda Sudamérica de mulleres en idade fértil con algún grao de sobrepeso ou obesidade (6 de cada 10 mulleres en El Alto). Tal como se expón no proxecto presentado:

“Tanto la anemia como el sobrepeso y la obesidad están relacionados con hábitos alimentarios. La rápida urbanización y la marginación de la agricultura familiar, unidos a fenómenos de alimentación modernos como la comida rápida, promueven el consumo de alimentos abundantes en grasa, azúcar y ultra procesados. De igual manera, los hábitos alimentarios de las familias bolivianas no incluyen, con la regularidad necesaria, alimentos ricos en hierro, elemento esencial para prevenir la anemia.

Os obxectivos específicos do proxecto son:

- 1) Produción de nove segmentos televisivos sobre a importancia e beneficios dunha alimentación nutritiva e saudable.
- 2) Difusión dos segmentos producidos por televisión nacional, radio nacional e redes sociais.
- 3) Avaliación de impacto dos segmentos difundidos a través de medición de audiencia en redes sociais.

III.5. As persoas beneficiarias directas do proxecto “**CAMPAÑA DE SENSIBILIZACIÓN NACIONAL SOBRE BÓ S HÁBITOS ALIMENTARIOS CUN ENFOQUE NA POBOACIÓN NOVA DE EL ALTO E LA PAZ (BOLIVIA)**” serían unhas 7.000 persoas, mozos e mozas, ademais das súas respectivas familias, que se beneficiarían da educación nutricional e a concienciación recibida polos/as seus/súas fillos/as.

III.6. O orzamento estimado por PMA/WFP para levar a cabo este proxecto humanitario é de 20.000€ (VINTE MIL EUROS); importe da subvención que se solicita ó Concello de Vigo.

Segundo o proxecto presentado por PMA/WFP, o financiamento do Concello de Vigo cubriría os gastos de produción, difusión e monitoreo en redes sociais de segmentos audiovisuais que se emitirían nun prazo de dous meses en televisión e radio nacional, así como redes sociais de PICA (“*Programa Inteligentes con Adolescentes*”).

III.7. Os orzamentos do Concello de Vigo non prevén a referida subvención con carácter nominativo. Con todo, a posibilidade da súa concesión directa, con carácter excepcional e por razóns de interese público, social, económico, humanitario ou outras que dificulten a súa convocatoria pública está expresamente prevista nos Arts. 22.2.c) da LXS, 19.4.c) da LSG e 67 do RD.887/2006 e, no mesmo sentido, na Base nº 38, Apdo. 4.2, das de execución dos orzamentos municipais.

Ademais, a Disposición adicional 2ª da LSG, posta en relación co seu Art. 19.4, posibilita tamén a concesión directa das subvencións en materia de cooperación para o desenvolvemento reguladas na L.3/2003, do 19 de xuño, que inclúe entre os obxectivos desa cooperación a atención ás situacións de emerxencia das poboacións máis desfavorecidas que precisen da cooperación



Copia do documento - Concello de Vigo	Data impresión: 03/05/2024 23:21	Páxina 4 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

externa, tanto mediante axuda humanitaria como mediante accións dirixidas á reconstrución e ó restablecemento institucional.

III.8. No presente caso, o carácter evidentemente humanitario do proxecto a desenvolver, a natureza do organismo que o promove (unha axencia das NNUU destinada á loita contra a fame no mundo que declara brindar asistencia alimentaria a 80.000.000 de persoas en 80 países) e, en última instancia, a firme decisión da Alcaldía de apoiar este tipo de iniciativas humanitarias xustifican tanto a excepción dos principios xerais de publicidade e concorrència como o interese público, social e humanitario do proxecto presentado por WFP/PMA (motivacións necesarias para utilizar o procedemento de concesión directa ex artigo 19.4 LSG), sendo posible financiar o gasto que representa con cargo á aplicación orzamentaria nº 2310.480.00.01 (“Axudas ó tercer mundo”).

Con todo, faise constar que, a fin de promover a publicidade e a concorrència no outorgamento de axudas municipais á cooperación internacional que deben presidir esta materia, os servizos técnicos e xurídicos do Servizo de Benestar Social redactaron no ano 2016 unhas Bases que rexerían a concesión de subvencións a Organizacións Non Gubernamentais de Desenvolvemento (ONGD) para a realización de proxectos de cooperación internacional, que foron informadas favorablemente polo Asesor xurídico da Área (22.07.2016) e pola Intervención xeral municipal (30.08.2016), aínda que finalmente non foron aprobadas pola XGL (Exp. nº 129097/301).

III.9. A concesión desta subvención estará suxeita, especificamente, ás condicións e compromisos establecidos na propia Resolución de concesión (Art. 26 LSG, Art. 28 LXS, Art. 67 RD.887/2006 e Base 38 das de execución dos orzamentos xerais): obxecto, beneficiarios, crédito orzamentario, compatibilidade/incompatibilidade con outras subvencións, pagamento e xustificación, etc.

Conforme co disposto na Base nº 38 das de execución dos Orzamentos municipais e na Disposición adicional 2ª, apdo. 2, da LSG e en atención á natureza e características específicas do WFP/PMA e do proxecto humanitario proposto así como das súas normas reguladoras; en especial o Regulamento financeiro deste organismo internacional, establécese un réxime especial de xustificación que, en todo caso, deberá posibilitar a verificación do destino e a correcta utilización da subvención concedida.

III.10. As competencias municipais en materia de cooperación internacional descentralizada atopan fundamento tanto na lexislación de réxime local (Arts. 2 e 25 LRBRL, 80.1 LALGA...) como, especificamente, na lexislación sectorial estatal e autonómica. Así:

- A L.23/1998, do 7 de xullo, do Estado, de Cooperación internacional para o desenvolvemento, habilita expresamente para que desde as entidades locais se leven a cabo accións e programas incluíbles no concepto de “cooperación para o desenvolvemento”, expresión solidaria da sociedade local que, en todo caso, basearase nos principios de autonomía orzamentaria e autorresponsabilidade no seu desenvolvemento e execución (no marco da política española de cooperación internacional para o desenvolvemento) e no de colaboración entre Admóns. Públicas, tocante ó acceso e participación da información e máximo aproveitamento dos recursos públicos. A lei inclúe entre os obxectivos da política de cooperación internacional a prevención e atención das situacións de emerxencia mediante a prestación de accións de axuda humanitaria (Arts. 3 e 20).



Copia do documento - Concello de Vigo	Data impresión: 03/05/2024 23:21	Páxina 5 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- A L.3/2003, do 19 de xuño, de Galicia, de Cooperación para o desenvolvemento, recoñece tamén esa mesma capacidade municipal para intervir en materia de cooperación internacional, considerando ás entidades locais como “*axentes da cooperación internacional para o desenvolvemento*” (Art. 23.1.a)].
- Finalmente, a L.2/2014, do 25 de marzo, da Acción e do Servizo exterior do Estado, reafirma que as entidades locais poden actuar no eido da cooperación internacional para o desenvolvemento e expresa que a Acción exterior neste sector orientarase a contribuír á erradicación da pobreza, ó desenvolvemento humano sostible e ó pleno exercicio dos dereitos, mediante a consolidación dos procesos democráticos e o Estado de Dereito, a redución das desigualdades, o fomento dos sistemas de cohesión social, a promoción dos dereitos das mulleres e a igualdade de xénero, dando unha resposta de calidade ás crisis humanitarias.

A seguir, enumera entre os suxeitos da Acción Exterior do Estado ás Admóns. Públicas (entre as que, loxicamente, inclúese a Admón. local) e prescribe o deber dos órganos constitucionais, as CCAA, as Cidades Autónomas, «*as entidades que integran a Administración Local*» e os organismos, entidades e institucións delas dependentes de manter informado ó Ministerio de Asuntos Exteriores e de Cooperación das súas propostas sobre actuacións con proxección exterior, para que este departamento poida informar e, de ser o caso, emitir recomendacións motivadas sobre a adecuación da proposta de actuación ás directrices, fins e obxectivos da Política Exterior fixados polo Goberno e os instrumentos de planificación establecidos por esta lei (Arts. 5, 11 e ccetes.).

Esta atribución competencial realizada pola lexislación sectorial en materia de cooperación internacional para o desenvolvemento ten fundamento mediato na propia CE/1978 (Preámbulo, Título Preliminar, Arts. 9.2, 10, 137...) e resulta congruente co contido do Art. 10.3 da Carta Europea de Autonomía local, ratificada por España, que establece que as entidades locais poderán, nas condicións eventualmente previstas pola Lei, cooperar coas entidades doutros Estados.

Outra cousa é o alcance do exercicio desta competencia, que estará necesariamente supeditado ás directrices da política española de cooperación internacional para o desenvolvemento e delimitado pola aplicación dos principios de colaboración, autonomía orzamentaria, autorresponsabilidade no seu desenvolvemento e execución e cumprimento da lexislación en materia de estabilidade e sostibilidade orzamentaria.

III.11. A aplicación orzamentaria á que se imputará o gasto (nº 9120.489.00.03) non corresponde ó orzamento de Benestar Social senón de Alcaldía. Neste sentido, mediante Decreto da Alcaldía – Presidencia do 26.04.2018 foron delegadas na Concelleira delegada da Área de Política Social, D^a M^a Isaura Abelairas Rodríguez, «*tódalas atribucións precisas para a dirección técnica e política, xestión, seguimento, tramitación e execución necesarias para a realización das axudas humanitarias internacionais*». Para estes mesmos fins, autorizouse expresamente tamén a utilización do crédito de 50.000€ existente na precitada aplicación orzamentaria nº 2310.480.00.01 (“*Axudas ó tercer mundo*”).

III.12. Toda vez que ten transcendencia económica, antes da súa aprobación polo órgano competente (XGL), o expediente deberá ser sometido a informe preceptivo de fiscalización previa pola Intervención xeral municipal (Art. 214 TRLRFL), a fin de verificar a existencia de crédito



Copia do documento - Concello de Vigo	Data impresión: 03/05/2024 23:21	Páxina 6 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

axeitado e suficiente para atender ás obrigas de contido económico derivadas da concesión da subvención.

III.13. O informe xurídico dáse por evacuado nos termos contidos no presente informe-proposta, redactado e asinado polo Asesor xurídico adxunto á Xefatura de Benestar social (Resolución Concelleiro delegado da Área de Xestión municipal do 07.02.2013).

IV. PROPOSTA DE ACORDO

En consecuencia, visto o que antecede e a normativa aplicable, propónse á Xunta de Goberno Local, previo informe da Intervención xeral municipal, a adopción do seguinte,

«ACORDO

PRIMEIRO.- Conceder á organización internacional «World Food Programme» - WFP («Programa Mundial de Alimentos» - PMA), programa autónomo subsidiario conxunto das NNUU e a FAO na loita contra a fame no mundo e a prol da seguridade alimentaria, unha subvención directa por importe de 20.000€ (VINTE MIL EUROS) para o desenvolvemento do proxecto humanitario: “**CAMPAÑA DE SENSIBILIZACIÓN NACIONAL SOBRE BÓS HÁBITOS ALIMENTARIOS CUN ENFOQUE NA POBOACIÓN NOVA DE EL ALTO E LA PAZ (BOLIVIA)**”, de acordo coa documentación presentada ó Concello de Vigo (Exp. nº 177134/301).

SEGUNDO.- Aprobar e autorizar o gasto de 20.000€ con cargo á aplicación orzamentaria nº 2310.480.00.01 (“*Axudas ó tercer mundo*”) dos orzamentos vixentes, a favor do «Programa Mundial de Alimentos» (WFP/PMA), CIF N9581063F.

TERCEIRO.- Publicar a subvención concedida no “Portal da Transparencia e Bo Goberno” do Concello de Vigo (<http://transparencia.vigo.org>) e remitir a información precisa á Base de Datos Nacional de Subvencións (BDNS), na que se deberá rexistrar unha “convocatoria instrumental” e os datos estruturados inmediatamente despois da concesión.

CUARTO.- A concesión desta subvención rexerese polas seguintes Estipulacións:

1ª.- *Obxecto*: o obxecto desta subvención será a execución do proxecto do «Programa Mundial de Alimentos» (WFP/PMA): “**CAMPAÑA DE SENSIBILIZACIÓN NACIONAL SOBRE BÓS HÁBITOS ALIMENTARIOS CUN ENFOQUE NA POBOACIÓN NOVA DE EL ALTO E LA PAZ (BOLIVIA)**”, co que se pretende sensibilizar á poboación boliviana destas localidades (especialmente á mocidade), a través dos medios de comunicación de masa do Programa PICA, sobre a importancia e os beneficios dunha alimentación nutritiva e saudable.

2ª.- *Carácter singular da subvención e interese humanitario do proxecto*: trátase dun proxecto de carácter singular e de evidente interese humanitario que xustifica o seu outorgamento como subvención directa ó abeiro dos Arts. 22.2.c), 28 e ccdtes. da LXS e 19.4.c) e 26 da LSG. Xustifícanse tales extremos na documentación presentada por WFP/PMA que consta no expediente de referencia (Art. 67 RD.887/2006 e Base nº 38 Apdo. 4.2, último pfo.).

3ª.- *Beneficiarios/as e modalidades de axuda*: as persoas beneficiarias directas da axuda municipal estímense nunhas 7.000 persoas (mosos/as receptores/as dos segmentos audiovisuais), ademais das súas familias.



Copia do documento - Concello de Vigo	Data impresión: 03/05/2024 23:21	Páxina 7 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

4º.- *Crédito orzamentario*: o gasto que representa para o Concello de Vigo esta subvención poderá financiarse con cargo á aplicación orzamentaria nº 2310.480.00.01 (“Axudas ó tercer mundo”) dos vixentes orzamentos municipais.

5º.- *Pagamento*: tendo en conta as características humanitarias do proxecto (enmarcable nas axudas de cooperación ó desenvolvemento) e da propia entidade promotora (WFP/PMA), realizarase un pagamento anticipado polo 100% do importe concedido, que se xustifica legalmente na necesidade de acadar unha maior eficacia e eficiencia na xestión dos fondos públicos destinados á cooperación para o desenvolvemento, tal como se indica na Disposición adicional 2ª, apdo. 2, da L.9/2007 (LSG), que permite arbitrar nas bases reguladoras da subvención “sistemas específicos de pagamentos anticipados de ata o 100% da subvención concedida” («Réxime especial das axudas en materia de cooperación exterior»).

De acordo co artigo 42 do Real Decreto 887/2006, de 21 de xullo, Regulamento da Lei xeral de subvencións e a propia Disposición adicional 2ª, apdo. 2, da LSG, non será esixible a constitución de garantías.

6º.- *Compatibilidade*: esta subvención será compatible con calquera outra subvención ou axuda para a mesma finalidade procedente de calquera outra Administración ou de entes públicos ou privados, nacionais, da Unión Europea ou de organismos internacionais. Con todo, a beneficiaria deberá comunicar ó Concello de Vigo a obtención doutras posibles subvencións, axudas, ingresos ou recursos que financien a actividade subvencionada.

Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos. En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no Art. 34 do RD.887/2006, do 21 de xullo.

Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción.

A comunicación destas circunstancias ó Concello deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

7ª.- *Xustificación*: ó abeiro do previsto tanto na Base nº 38 das de execución dos Orzamentos municipais como na Disposición adicional 2ª, apdo. 2, da LSG e en atención á natureza e características específicas do WFP/PMA e do proxecto humanitario proposto así como das súas normas reguladoras; en especial o Regulamento financeiro deste organismo internacional, establécese o seguinte réxime especial de xustificación:

A documentación xustificativa da subvención deberá achegarse necesariamente antes do 01.11.2018 a través da sé electrónica do Concello de Vigo (<https://sede.vigo.org/expedientes/sede/?lang=gal#2>) por calquera dos mecanismos de identificación admitidos nela e incluírá, como comprobantes da recepción e correcta execución dos fondos, os seguintes documentos:



Copia do documento - Concello de Vigo	Data impresión: 03/05/2024 23:21	Páxina 8 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- A xustificación das actividades subvencionadas realizarase mediante a presentación dun informe de implementación do proxecto, asinado polo responsable competente do WFP/PMA, que incluíra os materiais de comunicación producidos no marco da campaña. De ser o caso, achegaranse os informes adicionais precisos para a comprobación do correcto destino da subvención, certificados pola Oficina de Auditoría Interna do WFP/PMA.
- O Concello de Vigo poderá requirir dos responsables de WFP/PMA a información complementaria que lle sexa requirida pola Concellería de Política Social e pola Intervención xeral municipal, Tribunal de Contas e Consello de Contas no exercicio das súas funcións e para o cumprimento das obrigas legais de fiscalización e control do destino das subvencións públicas.
- No primeiro trimestre de 2019 facilitarase como xustificación da correcta execución dos fondos recibidos un "Informe Estandarizado do Proxecto" (*Standard Project Report, SPR*) relativo ó proxecto financiado con cargo á subvención municipal, asinado polo responsable competente de WFP/PMA, que conterá información narrativa e financeira sobre a execución do proxecto e a consecución de obxectivos.

8ª.- *Protección de datos*: a beneficiaria queda informada de que os seus datos e os do seu representante serán incorporados ós ficheiros municipais e de que a finalidade da súa recollida é a instrución do procedemento para a concesión desta subvención, a práctica das publicacións, comunicacións e notificacións de obrigado cumprimento, o seguemento e comprobación da actividade subvencionada e demais actuacións previstas na lei de subvencións de Galicia en orde á conclusión do proceso subvencional, polo que a súa achega é obrigatoria.

Estes datos serán tratados e protexidos de acordo co previsto na LPACAP (L.39/2015) e na LRXSP (L.40/2015) e, especificamente, na normativa relativa á protección de datos de carácter persoal, sendo responsable do seu tratamento o Concello de Vigo (Concellería de Política Social).

9ª.- *Réxime xurídico aplicable*: A concesión da subvención obxecto deste Convenio rexerese, ademais de polas anteriores estipulacións, pola L.38/2003 do 17 de novembro, xeral de subvencións e o RD.887/2006, do 21 de xullo, polo que se aprobou o seu Regulamento, nos seus preceptos básicos; a lexislación básica do Estado en materia de réxime local; a L.9/2007, do 13 de xuño, de subvencións de Galicia; os preceptos non básicos da L.38/2003 e do RD.887/2006; as Bases de Execución dos orzamentos municipais e as restantes normas de dereito administrativo e, no seu defecto, as normas de dereito privado.

Ademais rexerese, en todo caso e no que resulte aplicable, pola Convención sobre privilexios e inmunidades das Nacións Unidas de 1946 (adhesión do Reino de España do 31.07.1974), a Convención sobre prerrogativas e inmunidades dos organismos especializados de 1947 (adhesión do Reino de España do 26.09.1974), o Acordo básico formalizado entre o Reino de España e o WFP/PMA o 19.07.2012 e o Acordo administrativo entre o Reino de España e o WFP/PMA do 10.04.2014».

Non obstante, a Xunta de Goberno Local adoptará o acordo que estime máis conveniente para os intereses municipais.

Acordo



Copia do documento - Concello de Vigo	Data impresión: 03/05/2024 23:21	Páxina 9 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 03/05/2024 23:21	Páxina 10 de 10
SUBVENCIONS	CSV: ABAA43-CF323E-E83A26-31C85T-4GM9CP-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		